



政治典訓初集

卷九十三  
治河一



政治典訓初集卷第九十三

治河

○康熙十一年六月辛丑

上諭工部曰○河道屢年衝決○地方被災○民生困苦○深軫朕懷○據遣往視決口侍衛吳丹學士郭廷祚回京○繪圖進呈○朕觀黃河自宿遷以至清河○皆為緊要○雖有遙隄一層○恐未足捍蔽水勢○應否於遙隄之外○再築遙隄○爾部即

行總河總漕公同相視。商酌築隄。果否有益。併所需錢糧。逐一詳確議奏。

○康熙十二年正月己亥

上諭工部尚書吳達禮等曰。黃河隄岸清水潭一帶要地工程。總河王光裕自抵任以來。將已竣未竣之處。並未奏聞。深軫朕懷。爾部選材幹官一員。前往閱視。即於次日引見。

庚子

上遣郎中蘇立泰往視。

諭之曰。清水潭七里溝決口。關於漕運。今春若不完工。入夏或遇霖雨。將若之何。爾其傳諭總河王光裕知之。

○二月癸丑蘇立泰自河工還。繪圖以上。因奏七里溝未完工者二丈。清水潭未完工者八丈。東隄尚未興工。光裕言二處未完者。月內皆可堵塞。其東隄俟西隄告竣。方

可興工。至江都儀真諸處糧船尚賴江水  
運行。去年江水不至。江都儀真河道因致  
淤淺。今疏濬將完。糧船可無阻滯。又漕臣  
帥顏保云。河水方至。即一時未能開導。先  
塞七里溝口。河水亦可無虞。但清水潭東  
隄尚未興工。若江水不至。湖水不接。糧船  
停滯。亦未可定。

上曰。爾既親往閱視。決口果能塞否。蘇立泰奏  
曰。水勢湍急。難以預料。但據光裕言能塞  
耳。

○康熙十五年十月辛未

上遣工部尚書冀如錫。戶部侍郎伊桑阿。往視  
河工。

諭之曰。河工經費浩繁。迄無成功。沿河民生。胥  
受其困。今特命爾等往視。凡河上利害情形。  
宜實心體勘。各處隄岸。應設良法。及時修築。

務為一勞永逸之計。倘不加詳閱。苟且塞責。後或有河患。爾等亦難辭咎。朕又聞近日奉差諸臣所在地方。官吏迎送。甚為勞擾。此皆有累民生。爾等其嚴禁之。

○康熙十六年二月丙辰先是

上諭工部曰。淮揚等處隄岸潰決。滄沒田地。關係運道民生。甚為重大。宜遣部院大臣相視形勢。尋

命工部尚書冀如錫等往。

諭之曰。河道所關最重。數年來屢修屢決。虛費金錢。特簡爾等。造往須偕總漕總河。徧歷勘驗。求一勞永逸之計。若復如前。怠玩糜費。公帑徒屬無益。爾等至彼相視情形。先行奏聞。至於定議修築。俟爾等還日再奏。如錫等往

勘畢。奏言黃河南岸自白洋河至雲梯關。北岸自清河縣至雲梯關。又高堰周橋翟

壩古溝諸決口。及殘廢單薄之隄。俱宜修築。清河一帶沙淤。及運河現受黃流淤澱之所。俱宜疏濬。自淮至揚兩岸土石隄工。及清水潭等決口。歸仁隄已計費之石工。及未計費之土隄。並當興修。謹議驗勘之法。及遴員分治。尅期竣事。賞功罰罪之例。以聞。

上曰。河道關係漕運民生。甚為宏鉅。屢年糜費

金錢。迄無成效。今宜如何修築堅固。俾得一勞永逸。并疏內所陳情節。令九卿詹事科道詳加定議。於是諸臣集議。謂河隄自當大修。但難一時並舉。宜令新任總河視其要者先修。歸仁隄已經估計工程。亦令速竣。其疏內各項。俟國用充足大修之日。一併再議。

上從之。

○康熙十八年十月己丑先是總河靳輔疏請於節省河工錢糧內支用銀十四萬餘兩另開運河於駱馬湖以便輓運

上以事理重大○

勅九卿詹事科道集議○至是九卿等奏覆應如所請○

上問曰○諸臣意見若何○左都御史魏象樞奏曰○河臣動用錢糧二百餘萬為一勞永逸之

計○前奏隄壩已修築七分○今又欲復開河道○所為一勞永逸者○安在○臣等恐將來漕運有阻○故議從其請耳○

上曰○以朕揆之○憲臣之言為是○漕運關係自應從其所請○但河道雖開○必上流浩瀚○方免淤滯○今歲雨少水涸○恐未必有濟○即目前河工告竣○亦因大旱易修○豈得遽恃為永固邪○

○康熙二十五年正月丙寅

上諭大學士勒德洪等曰。漕運所關最要。運河淤淺。漕船齎運有誤。亦未可定。宜特遣大臣。自通州以南運河於來春起工。務期挑濬疏通。爾等其傳諭工部。於是工部以各部院大臣名上。

上命溫代前往督理疏濬。

○康熙二十一年五月癸丑工部開列部院大臣往勘總河。靳輔修築隄工。

上問大學士等曰。淮安黃河關係運道民生。工程最為重要。今時屆五月。恐往勘官員至彼。值水泛漲。難於閱勘。爾等之意如何。大學士李蔚奏曰。今猶可往勘。若遲至秋水漲發。更難閱勘。

上曰。靳輔目前修築決口。零星節省錢糧。料亦是實。但入海要害之所。未必盡行修理。必得精密風厲之人。於河道情形。詳加察驗。庶為

有濟。可令伊桑阿魏象樞王曰。溫伊喇哈前  
往。但魏象樞年老。恐不能馳驅。爾等試詢之。  
崔維雅曾條奏河工。亦令携往會勘。尋問象  
樞。辭以年老有疾。不能乘馬。

上曰。可令宋文運去。此人不肯依阿。人亦不能  
撓奪。

○乙丑大學士等以崔維雅條議請

旨。

上曰。爾等觀其條奏何如。明珠奏曰。堅築石隄。  
開濬海口。似可允行。但恐其間或有未便。

應令勘河大臣會同總河靳輔酌議奏請。  
上曰。然。治河之道。必順水性。易於成功。古之治  
黃河者。惟在去其害而止。今則不特去其害。  
兼欲資其利。以輓運漕糧。較古更難。可令勘  
河大臣。携崔維雅前往。其條奏事宜。會同總  
河靳輔詳議具奏。

已已尚書伊桑阿等以閱視河工同崔維雅奏請

諭旨

上問維雅曰。治河事宜。爾所見如何。維雅奏曰。黃河全恃隄岸堅固。方能束水無虞。以臣愚計。惟有挑濬疏通。築隄捍禦。二者並舉。庶可經久。因以河圖進呈。

上諭曰。黃河潰決。關係運道民生。深切朕懷。歷覽書史所載。及從前條議章奏。治河不在空

言而在實行。未可輕言河工之易也。若以為易。恐難刻期成功。即收實效。若以為難。則由楊家莊至清口。一百二十餘里。係漕船往來必由之要路。修築隄堰。豈容稍忽邪。維雅所稱豫省之河。與淮屬河勢原自不同。爾等前往。務與靳輔公同商酌。加意驗視。勿執己見。凡有會議事宜。必逐一陳奏。伊桑阿奏曰。臣

等奉

旨往闕敢不恪遵

聖諭

上復諭啓行前一日仍來翌日庚午伊桑阿等

復請

旨

上諭曰淮安等處河道頻年衝潰新輔作何修築工程堅否特遣爾等往勘若至彼處各宜

秉公持正悉心詳畫庶稱任使如有通同徇私或行欺罔者必加重處伊桑阿等奏曰臣等敢不竭力察驗自觸罪過

上又顧宋文運曰伊桑阿前曾閱過河道爾係初往如有確見務必堅持詳議毋以伊桑阿為尚書已為侍郎阿意順從文運亦謝以不

敢

上又曰治河最為難事崔維雅所奏款項爾等

攜往會同靳輔詳加確議。務期堅久。以濟河工。除河患。勿視為尋常。玩忽貽悞也。

○十一月丙寅。先是九卿詹事科道奏河工事宜。

上曰。河工關係國計民生。至為重要。朕時時在念。爾等如何定議。工部尚書薩穆哈等奏曰。

總河靳輔已草職疏。內各條應處分者。俱無庸議。其蕭家渡決口。當令賠修。

上曰。修築河道。錢糧浩繁。果能取償於靳輔邪。

如今賠修。恐貽誤漕運。朕思治淮較治黃。猶易。黃河身高於岸。施工甚難。朕初閱崔維雅

疏二十四條。似有可取。及覽靳輔回奏。則崔

維雅所陳事宜。斷難舉行。爾等或有良策。確見否。大學士明珠戶部尚書伊桑阿奏曰。靳

輔歷任既久。所見必真。似宜令來京面奏。

再加詳議。

上然之。命以此疏暫留閣中。俟靳輔來京集議。至是內閣九卿詹事科道同靳輔復

旨。

上命靳輔口奏。輔奏蕭家渡口。約來歲正月可以完工。其餘河隄需銀一百二十萬兩。隨處修築。方能告竣。

上曰。河道衝決。爾絕不能預料。從前所築決口。如楊家莊報完。復有徐家溝。徐家溝報完。復

有蕭家渡。今蕭家渡既築之後。能保他處不決乎。前此既不足憑。將來豈復可信。河工重大。乃民生運道所關。自當全局畫筭。以收成功。豈宜徒恃己見。輔奏曰。總由人事未盡。若人事盡。則天事亦或可回。

上曰。崔維雅所奏各條。亦有可行者否。輔奏曰。崔維雅欲每日用夫四十萬挑濬。且自各省遠來。尤為未便。至河隄丈尺。須因地勢

高下○乃概以十二丈為率○亦斷斷難行○

上曰○崔維雅條奏○誠無可行者○九卿等出○

上顧大學士等曰○靳輔胸無成算○僅以口辯取○

給○且專執己意○所見甚少○安能底績○今海運○

之法○尚可行否○再令廷臣詳議之○越四日庚○

申○內閣復同差勘河工○戶部尚書伊桑阿○

進奏曰○海運必先造舟○所費不貲○而膠萊○

諸河停運年久○諒已淤塞○若從事海運○仍○

須開濬○為費愈大○臣等眾議○似屬難行○

上是之○

○丁丑總河靳輔疏言○蕭家渡決口○蒙○

皇上特免責賠○仍令臣領帑加修○臣惟益加小○

工○以期河工之必成○然有最急之工○如挑○

楊家莊白洋河曹家窪三處引河○及堵塞○

蕭家渡決口○請先撥銀一十五萬兩○俾臣○

於春分節前○將蕭家渡合龍完固○不復再○

生他患。

上令工部議覆。

諭曰。靳輔原稱蕭家渡決口。於正月內堵塞完

工。又稱春分節前方完。可一併議奏。部覆以

蕭家渡決口。務令於正月內完工。至挑引

河之處。既稱最急。應令戶部撥給帑金。

上從之。令如靳輔所題。於春分節前完工。

○康熙二十二年四月丙子。總河靳輔題請

隄岸堅固。勿再有衝決。待協濟錢糧到日。即

補還原項。至各省蠲災缺額銀兩。作何撥補。

可令速議以聞。

○七月己亥。工部題覆總河靳輔大修清水

潭等口。并歲修工程。奏銷錢糧。共二十八

本請

旨。

上問大學士等曰。銷算合否。明珠奏曰。凡與尚

書伊桑阿所勘之處相合者。部議俱准銷  
算。其勘所無及參差不符者。俱已駁回。似  
可依此完結。

上曰。今河道若何。李蔚奏曰。聞河水皆歸故道。  
可無衝決之患。

上曰。河道關係國計民生。最為要務。前見靳輔  
為人似乎輕躁。恐難成功。今河流得歸故道。  
良可喜也。明珠奏曰。河道既深。輓運無阻。往

直隸及江南等四省。每年應徵應蠲河銀  
十萬兩。俱於三月照數抵解。

上曰。觀靳輔此奏。河工似難就緒。大學士明珠  
奏曰。誠如

聖諭。

上曰。黃河險處甚多。河銀作速給與。漢大學士  
以為何如。吳正治奏曰。每年河工銀內。有蠲  
災缺額銀八萬兩。應將現銀撥給。其蠲災

缺額銀兩宜令布政司另行奏銷  
上曰○今蕭家渡決口堵塞○黃河大溜直下○七里  
溝等處遂漸坍塌○玉皇閣急溜約有二三十  
里○總之河口從下流衝決○為力尚易○若決在  
上流○則難施功○所關非細○靳輔治河之事成  
與不成○在此一舉○其所議錢糧○速行解給○如  
得成功○均為有益○若必使直省解往○恐致遲  
悞○應將彼處錢糧○不論何項○暫行支用○務令

來商賈○皆得通行○真

國家之福○

上曰○以後宜加嚴密○勿致疎防○方為盡善○其各  
疏俱如部議○

○十月乙丑

上問大學士等曰○歷代漕運如何○李蔚王熙奏  
曰○前代皆不由黃河○黃河轉運○自明時始  
上曰○專講治河○則順水之性○誰不知之○正因用

河濟漕逆黃水之性故治河為難也

○康熙二十三年十月癸丑先是

上閱河隄北岸蕭家渡至新莊等諸險工

諭河臣靳輔曰朕向來留心河務每在宮中細

覽河防諸書及爾累年所進河圖與險工決

口諸地名時加探討雖知險工修築之難未

曾身歷河工其河勢之洶湧漶漫隄岸之遠

近高下不能了然今詳勘地勢相度情形細

察蕭家渡九里岡崔家鎮徐升壩七里溝黃

家嘴新莊一帶皆喫緊迎溜之處甚為危險

所築長隄與逼水壩須時加防護大畧運道

之患在黃河禦河全憑隄岸若南北兩隄修

築堅固可免決鬪則河水不致四潰水不四

潰則濬滌淤沙沙去河深隄岸益可無慮今

諸處隄防雖經整理還宜培薄增卑隨時修

築以防未然不可忽也又如宿遷桃源清河

上下舊設減水諸壩。蓋欲分殺漲溢。一使隄岸免於衝決。可以束水歸槽。一使下流少輕。可無淮弱黃強清口噴沙之慮。近來凡有決工處所。皆做其意。不過暫濟目前之急。雖受其益。亦有少損。倘遇河水泛溢。乘勢橫流。安保今日之減水壩。不為他年之決口乎。且水流浸灌。多壞民田。朕心不忍。爾等籌畫精詳。措置得當。使黃河之水順軌東下。水行沙刷。

永無壅決。則減水諸壩皆可不用。運道既免梗塞之患。民生亦無墊溺之憂。庶幾一勞永逸。可告成功也。靳輔奏曰。

聖諭盡得肯綮。臣雖愚昧。自當一一恪遵。以盡犬馬之力。

上目擊隄夫作苦。駐轡久之。親加慰勞。復諭靳輔曰。隄上夫役。風雨晝夜。露宿草棲。勞苦倍常。所領工食無幾。恐有不肖官吏。從中侵

蝕必使人沾實惠。不可不加意軫恤也。

○甲寅

上舟過高郵寶應諸處。見民間田廬多在水中。因登岸親行隄畔十餘里。察其形勢。

召集生員耆民。問致災之故。細與講求。復

諭之曰。朕此行原欲訪民間疾苦。凡有地方利弊。皆必設法興除。使之各得其所。昔堯憂一夫不獲。况目覩此方被水情形。豈可不為極

濟邪。復登舟

御製五言古詩云。淮揚罹水災。流波常浩浩。龍

艦偶經過。一望類洲島。田畝盡沉淪。舍廬半

傾倒。嗷嗷赤子民。棲棲卧深潦。對之心惕然。

無策施襁褓。夾岸羅黔黎。跪陳進耆老。諮諏

不厭頻。利弊細探討。飢寒或有由。良慚奉蒼

顛。古人念一夫。何況覩枯槁。凜凜夜不寐。憂

勤起如禱。亟圖疏濬功。拯濟須及早。會當復

故業。咸令樂懷保。

○十一月丁卯

上諭吏部尚書伊桑阿曰。朕南巡省民疾苦。路經寶應高郵等處。見民廬舍田疇被水滄沒。朕心深為軫恤。訪問其故。具悉梗槩。高寶等處湖水。下流原有海口。以年久沙淤。遂致壅塞。今將入海故道濬治疏通。可免水患。自是往還。每念不置。此一方生靈。必圖拯濟安全。

咸使得所。始稱朕意。爾同工部尚書薩穆哈。往被水災州縣。逐一詳勘。於旬日內覆奏。務期濟民除患。總有經費。在所不惜。爾等體朕至意。速行。

○辛未

上親視高家堰隄工。黎明登岸。自卯至午。往返百里。河工要害。

上皆細加諮詢。因

諭河臣靳輔曰。朕觀高家堰地勢。高於寶應高郵諸水數倍。前人於此築石隄障水。實為淮揚屏蔽。且使洪澤湖與淮水併力敵黃。衝刷淤沙。關係最重。今高堰舊口及周橋翟壩。修築雖久。須歲歲防護。不可輕視。以隳前功。

○甲戌

上閱河隄畢。

御製閱河隄詩示諸臣云。防河紆旰食。六御出

深宮。緩轡求民隱。臨流歎俗窮。何年樂稼穡。此日是疏通。已著勤勞意。安瀾早奏功。又

諭扈從諸臣曰。朕南巡。目覩河工夫役勞苦。閭閻貧困。必使此方百姓。盡安畝畝之日。方是河工告成之時。偶成此詩。聊寫朕懷。不在詞藻之工也。

○十二月壬辰。工部議覆總河靳輔題報秋漲情形。漫決碭山北岸王家堂靈壁來字。

堡○衝塌徐州北岸長樊大壩○安東北岸二  
鋪○諸處隄工○應令該管經修各官賠補○

上○曰○徐州長樊大壩等處○雖經衝決○河流未徙○  
經管各官草職賠修○俱令寬免○嗣後隄岸衝  
決○若河流遷徙○應照定例處分○倘係河水漫  
決○河流不移者○應否免其草職○止令賠修○其  
確議定例以聞○

○庚子九卿等議覆吏部尚書伊桑阿等○詳

勘被災州縣○并入海舊河○請

勅下河臣○親往車路等河○并串場白駒丁溪草  
堰等口○逐一確勘○作何挑濬深濶○引水入  
海○以濟民生○

上○曰○靳輔見在督理黃河隄岸○又令兼理海口○  
必致兩誤○且黃河海口○係在兩處○應另差官  
督理○着再確議具奏○越九日戊申○九卿等覆  
奏挑濬下河○需用錢糧甚多○應差廉能之

員○擬將安徽按察司于成龍差往督理○但  
總河靳輔治河年久○熟識水勢地形○應將  
挑河一切事宜○并應設官員若干之處○均  
申詳靳輔具題○

上從之○

